



Administrativna komisija

Broj: 04-GV-04-26/24
Sarajevo, 08.01.2024. godine

ZAPISNIK O RADU
62. SJEDNICE ADMINISTRATIVNE KOMISIJE
održane 08.01.2024. godine

Prisutni:

1. Jasmin Ademović, predsjedavajući
2. Alen Girt, član
3. Toni Vukadin, člana
4. Vedad Deljković, član
5. Bajro Biber, član
6. Dragan Stevanović, član

Odsutni: Drago Jurić, član

Sjednici iz Stručne službe za poslove Gradskog vijeća Grada Sarajeva prisustvuje:

- Mirjana Đanović-Stanić, rukovodilac Stručne službe Gradskog vijeća

Sjednici po ovlaštenju Gradonačelnice prisustvuje:

- direktorica JU „Gradski muzeji“ Senka Ibrišimbegović

Predsjedavajući komisije je otvorio sjednicu u 14.15 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 61. sjednice Administrativne komisije Gradskog vijeća Grada Sarajeva održane 22.12.2023. godine.

Administrativna komisija je jednoglasno usvojila sljedeći **dnevni red**:

1. Utvrđivanje Prijedloga Odluke o visini novčanog iznosa „Šestoaprilske nagrade Grada Sarajeva“ u 2024. godini
2. Prijedlog Odluke o davanju saglasnosti na Program rada JU „Gradski muzeji“ Sarajevo sa finansijskim planom za 2024. godinu
3. Tekuća pitanja

TAČKA 1.

Utvrđivanje Prijedloga Odluke o visini novčanog iznosa „Šestoaprilske nagrade Grada Sarajeva“ u 2024. godini

U uvodnim napomenama, Predsjedavajući je podsjetio da je u prošloj godini novčani iznos Šestoaprilske nagrade Grada Sarajeva iznosio 5000,00KM kakav je bio i godinama ranije.



Međutim, podsjetio je da je sada broj mogućih nagrada sveden na minimum te predložio da se iznos nagrade poveća na 10.000,00 KM.

Poslije rasprave u kojoj su učestvovali članovi Komisije Dragan Stevanović i Alen Girt te sažetka Predsjedavajućeg, Administrativna komisija je jednoglasno usvojila sljedeći **zaključak**:

Utvrđuje se Prijedlog Odluke o visini novčanog iznosa „Šestoaprilske nagrade Grada Sarajeva“ u 2024. godini (od 10.000,00KM) koji je u prilogu ovog akta i upućuje se Gradskom vijeću na razmatranje po skraćenom postupku.

TAČKA 2.

Utvrđivanje Prijedloga Odluke o visini novčanog iznosa „Šestoaprilske nagrade Grada Sarajeva“ u 2024. godini

Nakon uvodnog izlaganja direktorice JU Gradski Muzeji, predsjedavajući Komisije je pohvalio suštinski sadržaj planiranih aktivnosti, podsjetio na sredstva planirana u Budžetu Grada Sarajeva za 2024. godinu za podršku radu ove institucije, te je ukazao na određene formalne greške, u diskusiji koja je imala sljedeći sadržaj.

Potrebno je razmatrati materijal, prije upućivanja Gradskom vijeću na razmatranje korigovati tako da se:

- u zaključku Upravnog odbora kojim Upravni odbor utvrđuje prijedlog odluke i upućuje ga Gradskom vijeću na razmatranje po skraćenom postupku, u tački dva, razloge za predlaganje skraćenog postupka, uskladiti sa Poslovníkom Gradskog vijeća (*navedeno je „obzirom da se radi o složenom i obimnom aktu“ a treba stajati „jer je odluka i programirana za razmatranje u formi prijedloga“*);
- u zaključak Upravnog odbora kojim Upravni odbor konstatuje da je razmotrio Plan rada sa finansijskim planom, potrebno je ili izbrisati drugi stav ili ga preformulisati, budući da Gradsko vijeće nema nadležnost za usvajanje Plana rada sa finansijskim planom, već donosi odluku od davanja saglasnosti na plan javne ustanove. (*navedeno je da Upravni Odbor Plan rada sa finansijskim planom „prosljeđuje Gradskom vijeću na razmatranje i usvajanje“*);
- potrebno je u preambuli predložene odluke navesti kao pravni osnov, važeći Statut Grada Sarajeva („Službene novine Kantona Sarajevo“, broj 7/23). (*Naveden je Statut iz 2008. godine*);
- potrebno je u tekstu Plana rada, pri pozivanju na Statut Grada Sarajeva, navesti važeći Statut. (*Naveden je Statut iz 2008. godine*);
- potrebno je Finansijski plan u materijalu i nazvati Finansijskim planom i uskladiti ga sa uvojenim Budžetom Grada Sarajeva za 2024. godinu (*umjesto finansijskog plana priložen je zahtjev upućen Gradu Sarajevu za finansiranje u 2024. godini*)

Poslije rasprave u kojoj su učestvovali članovi Komisije Alen Girt i Dragan Stevanović, te sažetka Predsjedavajućeg, Administrativna komisija je jednoglasno usvojila sljedeći **zaključak**:

Administrativna Komisija sugeriše Gradskom vijeću da razmatra Prijedlog Odluke o davanju saglasnosti na Program rada JU „Gradski muzeji“ Sarajevo sa finansijskim planom za 2024. godinu, s tim da predlagač materijal koji je razmatrala Administrativna komisija, prije upućivanje Gradskom vijeću na razmatranje i usvajanje na sjednici Gradskog vijeća, uskladi sa prijedlozima ovog radnog tijela i to kako slijedi.

- U zaključku Upravnog odbora kojim Upravni odbor utvrđuje prijedlog odluke i upućuje ga Gradskom vijeću na razmatranje po skraćenom postupku, u tački dva, razloge za predlaganje skraćenog postupka, potrebno je uskladiti sa Poslovníkom Gradskog vijeća.

- U zaključku Upravnog odbora kojim Upravni odbor konstatuje da je razmotrio Plan rada sa finansijskim planom, potrebno je drugi stav preformulisati tako da bude jasno da Gradsko vijeće donosi odluku od davanju saglasnosti na plan javne ustanove, odnosno da nema nadležnost za usvajanje Plana rada sa finansijskim planom.
- U preambuli predložene odluke, potrebno je navesti kao pravni osnov, važeći Statut Grada Sarajeva („Službene novine Kantona Sarajevo“, broj 7/23).
- U tekstu Plana rada, pri pozivanju na Statut Grada Sarajeva, potrebno je navesti važeći Statut Grada Sarajeva.
- Umjesto priloženog zahtjeva upućenog Gradu Sarajevu za finansiranje ove javne ustanove, potrebno je priložiti finansijski plan, usklađen sa usvojenim Budžetom Grada Sarajeva za 2024. godinu.

TAČKA 3.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Jasmin Ademović

Predsjedavajući Komisije je u 14:36 sati zaključio rad 62. sjednice Administrativne komisije Gradskog vijeća Grada Sarajeva.